

主座實持大公無我之誠未有權利尊榮之欲
為國際計強隣陰謀為民生計水火深熱財
政困難不堪再變力求定一免致危亡凡昔
日精練之軍已成勁旅能合紀律靖內亂備
外患斷無不深資倚賴此次

主座諭晤督軍代道奉拳再論報紙人口之謠
張督軍云此並無風影捕捉皆好事者之詭
譎造作離間不足置辯若說復辟清帝幼小

誰任艱危反破優待若擁袁氏項城後嗣甚多
不肖何有可主且各省暨梁任公先後派來代
表均勸其須當保守治安應解之款尤貴解
濟公需李烈鈞代表兩至亦以退兵入都為勸
其自分意見居心無他惟有擁護

中央維持秩序倘

主座有為難之處該督軍願首先出為排解不
畏強狠區區之忱更囑陳達

左右 悅魯復與該軍舊友談話側探添募營兵

及復辟擁袁等說均實無其事跡至於幾省
聯合亦聞別無所圖不過防受黨派之壓倒
如來各省密電謂為國事何必從隱遂明
通覆而張督軍心直口快血性邁衆觀其言
行尚非閃鑠先此報告

明鑑餘俟面陳恭敏

萬安 政治諮議方悅魯謹呈 八月二十二日

敬再呈者家弟履中昨日來書稱自西川退
職帝制發生以後即經隱處田園無意仕進
此次因事入都承

大總統准見垂顧殷殷甚為感激家弟勇於任
事政治學識頗足致用若與以相當職務或
置之左右必能效其一得以報

知遇之隆利祿厚薄非所計也素荷
鑒悉可否任使出自

采拔肅此再叩

鈞祺 悅魯謹又呈